

# stracà dal sol

a svoltolon sul lèt  
‘ngartià ‘nde na flanèla  
e i òci fiši sul celór  
‘ndorbidi ‘nde qoel slùser  
come che ‘l fiòchia, sèmpro e sèmpro

i làori suti, screpoladi  
e dent ‘ndei sguardi mèi  
‘na rogia la me ronca  
pò sule galte roše  
na lagrima che brusa, la par sia ‘l fòc de dispiazéri

valgùni, chi vesìn  
me cònta le sò storie  
e qoél saór de rugiol  
che me scaveza ‘l fià  
l’è sol s’ciafoni, a ‘n cör che völ sgolàr a le sò cà

chi ‘ntorn sèmpro Nadal  
co le sò lum che sbrìgola  
machine che le rùmega  
par dar spintoni al viver  
fintant che ‘l sènto dént de mi, ‘mpizà ‘n de l’àrfi

pò ‘l vènt l’avèrge i vedri  
e sento ‘n zìfol crùo  
su ‘n mèz la néo se cuna  
en petalo de rösa  
a ‘ncolorirme ‘n pöc de sò, la sera greva senza luna

camìno sui pensieri  
su ‘n mèz a le mè val  
coi fiori söi de acàz  
che è mèl par la mè lengua  
e quel azür su sora, capèl sul mè sintér

perdù ‘ndei sogni mèi

## Giuliano

Non capisco come fanno tante persone a sopportare questo ma le ammiro molto.

(Per Mario...)

Questo/a opera è pubblicata con una [Licenza Creative Commons](#)

